



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

31 ՄԱՅԻՍԻ 2020 թ.
№ 6 (1056)

Թերթի առաջին համարը լույս է տեսել 1965 թ. մարտի 11-ին
երկշաբաթաթերթ • հրատարակման 55-րդ տարի

ԽԱՉԱՏՈՒ ԱՐԴՅԱՆ ԱՆՎԱՆ ԸՆԹԱԿԱՆ ԴԵՏԱԿԱՆ ՄԱՆԿԱՎԱՐՁԱԿԱՆ ՀԱՄԱԼՍԱՐԱՆԻ ԴԱՇՏԱՆԱԹԵՐԹ

ՇՆՈՐՀԱՎՈՐ ՏՈՆԻ, ՀԱՅԱՍՏԱՆ

1918-ի Մայիսի 28-ին Հայոց ազգային խորհուրդը հայտարարեց անկախ Հայաստանի Հանրապետության ստեղծման մասին:

Մայիսի 28-ը մեր պատմության ամենապայծառ ու փառահեղ էջն է, որտեղ լուսավոր տառերով գրված են Սարգարապատի, Բաշ-Ապարանի, Ղարաբլիխայի հերոսների անունները:

Առաջին Հանրապետության օրը խորհրդանշում է հայ ժողովրդի դարավոր իղծերի մարմնավորումն ու երազի վերագտնումը: Ազգային վերածննդի, պետականության ձևավորման, անցյալն արժևորելու և ներկան ապագային կամրջելու օր:

Շնորհավո՛ր տոնդ, Հայաստան:



ԸՆՆՈՒՆ ԿՅԱՆՔԻ ԵՎ ԸՆԴԴԵՄ ՄԱՇԻ

Սա այն դաշտն է, ուր թվում էր՝ ամեն ինչ պիտի վերջանար... Դիտի վերջանար մի ազնվագույն ժողովուրդ, մի մեծաքանակ լեզու և մի փառահեղ քաղաքակրթություն: Բայց այստեղ ամեն ինչ նորից սկսվեց... Եվ սկսվեց մի այնպիսի ժամանակ, երբ մարդկային ամենահասարակ տրամաբանությունն իսկ ասում էր, թե այլևս ոչինչ չի կարող սկսվել, քանի որ բառացիորեն մեն-մենակ էինք արար աշխարհում, մենակ, անպաշտպան, ծվատված ու արյունաքամ... Եիշտ է, Սարգարապատի օրերին դեռ չէր հնչել Չարենցի պատգամը՝ «Ով հայ ժողովուրդ, քո միակ փրկությունը քո հավաքական ուժի մեջ է», բայց նրա էությունը, որպես ժողովրդի հավաքական ենթագիտակցություն ու բնազդ, կար, գործում էր և Սարգարապատի օրերին գործեց մինչև այդ պատմության մեջ չտեսնված ուժով ու թափով, գործեց բարձրագույն լարումով: Քրքրելով մեր պատմության կրակն ու մոխիրը, չի կարելի չգալ այն հաստատ համոզման, որ Սարգարապատը մեր ժողովրդին բաժին ընկած ամենասև փորձությունն էր, բայց և աստղային ամենավսեմ ժամը: Նրա պատմական խորին խորհուրդը մինչև հիմա լիովին չի գիտակցված ու չի գնահատված: Դա կյանքի ու մահու սահմանագիծ էր և իր նշանակությամբ շատ ու շատ ավելին, քան լեզբնդացած ու սրբագործված Ավարայրը: Հայաստանն այն ժամանակ թեև Պարսկաստանից ոչ անկախ, բայց ներքին զորությամբ ու կենսահյուրով էր լի: Կենաց ու մահու հարցը սպառնալիորեն չէր կախված Ավարայրի վրա: Ավարայրը պատերազմ էր հանուն հավատի: Սարգարապատը պատերազմ էր հանուն կյանքի և ընդդեմ մահի:

**ՎԱՀԱԳՆ ԴԱՎԹՅԱՆ
«ՍԱՐԴԱՐԱՊԱՏ»**



ԱՐԴՎՅԱՆՆԻՑ ՄԻՆՉ ԱՅՍՕՐ

Ամբողջ կյանքում լույս ես տալիս,
Ապագայի հույս ես տալիս,
Անսիրտ-անհույս այս աշխարհում
Դու մեզ սիրտ ու հույզ ես տալիս:
Առանց մտքի՝ մարդը թույլ է,
Դու մեզ միտք ու ուժ ես տալիս:

Այս բանաստեղծական տողերը Մանկավարժական համալսարանի 85-ամյակի առթիվ է գրել բանաստեղծ, Երևանի պատվավոր քաղաքացի, Մանկավարժական համալսարանի (այն ժամանակ՝ ինստիտուտ) 1960 թվականի շրջանավարտ Արամայիս Սահակյանը:

Մանկավարժական համալսարանն են ավարտել Հրանտ Մաթևոսյանը, Ռազմիկ Դավոյանը, Լիպարիտ Սարգսյանը, Սուրեն Մուրադյանը և շատ այլ տաղանդավոր գրողներ, տարբեր ոլորտների համրաճանաչ մտավորականներ, որոնք հարազատ բուռի կենսագրությունն են կերտել՝ սերունդներին փոխանցելով իրենց ժամանակի ու պատմության ընթացքը: Որ ամեն առավոտ, Մանկավարժական համալսարանի շենին ոտք դնող ուսանողը հպարտության զգացումով մի պահ կանգ առնի համալսարանի հիմնի ներքո, արժևորի իր ընտրությունն ու ուսումնառության տարիները:

Դու մայր տաճար մեր դպրության,
Դու մեր երթի փարոս մի նոր,
Ճամփան ես մեր լուսավոր
Արվյանից մինչ այսօր:




ՄԱՅԻՄ 28. ԱՆԿԱՎՈՒԹՅԱՆ ԱՐԺԵՎՈՐՈՒՄՈՎ

Լրանում է Հայաստանի Առաջին Հանրապետության 102-ամյակը: 1918 թ. մայիսի 28-ին Հայոց ազգային խորհուրդը որոշում կայացրեց անկախ Հայաստանի անունից պատվիրակություն (Ա. Խատիսյան, Գ. Քաջազունի, Մ. Պապաջանյան) ուղարկել Բաթում՝ թուրքերի հետ հաշտություն կնքելու: Հաջորդ օրը՝ մայիսի 29-ին, գումարվեց Հայոց ազգային խորհրդի, Անդրկովկասյան սեյմի դաշնակցական ներկայացուցիչների, ինչպես նաև ՀՀԳ արևելյան և արևմտյան բյուրոների, Թիֆլիսի կենտրոնական կոմիտեի համատեղ նիստ, որտեղ վերջնական որոշում կայացվեց Հայաստանը անկախ հանրապետություն հռչակելու մասին:

Նիկոլ Աղբալյանին հանձնարարվեց մշակել անկախության վերաբերյալ հայտարարության (հռչակագիր) տեքստը: Մայիսի 30-ին Հայոց ազգային խորհուրդը ընդունեց հետևյալ հռչակագիրը. «Անդրկովկասի քաղաքական ամբողջության լուծումով և Վրաստանի ու Ադրբեջանի անկախության հռչակումով ստեղծված նոր դրության հանդեպ՝ Հայոց ազգային խորհուրդը իրեն հայտարարում է հայկական գավառների գերագույն և միակ իշխանություն: Որոշ ծանրակշիռ պատճառներով թողնելով մոտիկ օրերում կազմել հայոց ազգային կառավարություն՝ Ազգային խորհուրդը ժամանակավորապես ստանձնում է կառավարական բոլոր ֆունկցիաները հայկական գավառների քաղաքական և վարչական դեղը վարելու համար»:

Հռչակվեց Հայաստանի Հանրապետությունը (1918-1920 թթ.), որը հայոց ն-



րագույն պատմության լուսավոր էջերից է: Այն շուրջ վեցդարյա կորսված անկախությունը վերականգնելու փառավոր սխրանքի մարմնացում է: Հայաստանի Առաջին Հանրապետությունը միաժամանակ պետականություն կերտելու դասական օրինակ է հաջորդ բոլոր սերունդների համար: Ցավոք, ռազմաքաղաքական իրավիճակի բերումով, Հայաստանի Առաջին Հանրապետությունն ընդամենը երկուսուկես տարվա կյանք ունեցավ: Սակայն այդ կարճ ժամանակաշրջանի դասերի յուրացումն էլ բավարար է թե՛ անկախությունն արժևորելու, թե՛ պետականության հզորացումը հնարավորինս

անսխալ իրականացնելու առումով: Անկախությունը հայ ժողովրդի՝ սեփական հողի վրա ապրելու, զարգանալու, առաջադիմելու և իր ճակատագիրն ինքնուրույն վարելու ամբռնաբարելի իրավունքն է: Յուրաքանչյուր ժողովրդի պատմություն յուրովի նրա անկախության ձեռքբերման կամ պահպանման համար մղված պայքարի պատմություն է: Այս տեսակետից առավել ցայտուն է հայ ժողովրդի պատմության օրինակը: Անկախության գաղափարի դավանանքը քաղաքակրթական արժեք է: Միայն անկախության պայմաններում են ժողովուրդներն ինքնադրստրման լիար-

ժեք հնարավորություն ստանում: Քաղաքակրթ մարդկության կողմից պաշտելի արժեքին արժանի է նաև հայ ժողովուրդը:

1918 թ. մայիսի 28-ին հայ ժողովուրդն իր կամքի և պայքարի ոգու շնորհիվ իր ազատ և անկախ ապրելու ցանկությունն իրականություն դարձնելով՝ այն պարտադրեց իր թշնամիներին:

Հայոց ներկա պատմության կիզակետը Հայաստանի անկախությունն է: Հայ ժողովրդի հավաքական քաղաքական դիմագիծը բնորոշվում է իր անկախության հանդեպ ունեցած վերաբերմունքով: Առանց անկախության հայ ժողովուրդը զուրկ է հավաքականությունից:

Անկախությունը համարելով ի վերուստ տրված պարզև՝ ժողովուրդներն ամեն ջանք գործադրում են՝ պահպանելու, նվաճելու կամ վերանվաճելու այն՝ նույնիսկ գնալով ամենաթանկ զոհողությունների:

Անկախությունը վերականգնելուց զատ, ինչպես նշեցինք, Առաջին Հանրապետությունից նաև պետականակերտման դաս ենք ժառանգել: Ցեղասպանությունից հետո որբերով և գաղթականներով լեցուն երկրում պատերազմից ավերված տնտեսության, սովի, համաճարակի, սահմանային վեճերի և մաշող պատերազմների, ներքին կռիվների պայմաններում հնարավոր եղավ ստեղծել այն հիմքը, որի վրա կառուցվեց խորհրդային Հայաստանը, և հետո ներկայիս հանրապետությունը:

Խաչատուր ՍՏԵՓԱՆՅԱՆ
Պատմական գիտությունների դոկտոր,
Խ. Արվյանի անվան ՀՊՄՀ հայոց պատմության ամբիոնի պրոֆեսոր

Բանասիրականի քույրիկները



Ծնվել նույն օրը, նույն ժամին, նույն ընտանիքում, սովորել նույն դպրոցում, համալսարանում ու նույն ֆակուլտետում... Երկվորյակ քույրեր Աննա և Դիանա Մելունյանները ծնունդով Աշտարակ քաղաքից են: Նրանք սովորում են ՀՊՄՀ Բանասիրական ֆակուլտետի 3-րդ կուրսում:

«Մանկուց երազել են ուսուցիչ դառնալ, աշխատել երեխաների հետ, այդ պատճառով մասնագիտական ընտրություն կանգ առավ հենց Մանկավարժական համալսարանի Բանասիրական ֆակուլտետի վրա: Այս տարիների ընթացքում համալսարանական պրակտիկա ցույց տվեց, որ ճիշտ ընտրություն են կատարել, հույս ունեն, որ հետագայում լավ ուսուցիչ կդառնան», -ասում է Աննան ու անկեղծանուն՝ ծնողներն իր համար այլ մասնագիտություն էին ընտրել. «Մայրս միշտ ինձ պատկերացնում էր սպիտակ խալաթով բժշկի կերպարում»:

Դիանան էլ իր հերթին պատմում է,

որ իր ընտրության հարցում դեր է ունեցել նաև գենետիկան: «Մայրս շատ էր ուզում, որ ես ու քույրս բնագիտական որևէ մասնագիտություն ընտրեինք: Կարծում են մեր մասնագիտության ընտրության հարցում, բացի սեփական ցանկություններից ու նախասիրություններից, ազդեցություն է ունեցել նաև գենետիկան: Տատիկս նույնպես ուսուցչուհի է, և, անշուշտ, նրա ազդեցությունը մեծ է եղել, որ մանկուց ցանկացել են մանկավարժ դառնալ»:

Ընտրել են Մանկավարժական համալսարանը, քանի որ կարծում են՝ հենց այս համալսարանն է հնարավորություն ընձեռում մանկավարժական գիտելիքներ ստանալ՝ հետագայում լավ մասնագետ լինելու համար: Բանասիրական ֆակուլտետ ընդունվել են, որովհետև թե՛ հայոց լեզուն, թե՛ գրականությունն ինձ ամենասիրելի առարկաներն են:

Սենք երկվորյակներ ենք, մեր մեջ կապը շատ մեծ է, բայց կարծում են այդ կապը չի եղել պատճառը, որ ցանկա-

մանք նույն վայրում սովորել, պարզապես մեր նախասիրությունները մեզ ուղղորդեցին դեպի այս ֆակուլտետ, չնայած սկզբում ծնողներս դեմ էին, որ երկուսս էլ նույն ֆակուլտետ ընդունվենք, խորհուրդ էին տալիս տարբեր մասնագիտություններ ընտրել»:

Գիտությունը վաղուց ապացուցել է, որ երկվորյակների դեպքում անտեսանելի կապվածությունը շատ ավելի մեծ է, քան մնացած քույր-եղբայրների դեպքում: Դիանան ու Աննան այս ամենի վառ ապացույցն են:

«Լինում են պահեր, որ մենք զգում ենք իրար, զգում ենք՝ այդ պահին ինչ ենք մտածում: Օրինակ՝ ստացվել է, որ տարբեր սեմյակներում նույն թեմայով շարադրություն ենք գրել ու հետո համեմատելով տեսել ենք, որ գրել ենք նույն նախադասությունը կամ նույն միտքը», -ասում է Աննան ու ժպտում՝ ինքն էլ չհասկանալով անտես թելերի կապը:

Չետաքրքրվում են հաճախ են շփոթում քույրերին համալսարանում և օգնում է նմանությունը խորամանկությունների դիմել:

«Համալսարանում շատ են շփոթում, չնայած կուրսում մեր ընկերներն արդեն կարողանում են հեշտությամբ տարբերել մեզ: Նույնիսկ ծայրից, արտաքինից, շարժունակից արդեն տարբերում են: Ունենք դասախոսներ, որոնք դեռ շփոթում են մեզ: Հաճախ են մեզ հարցնում՝ եղել է, որ քննություններին մեկս մյուսի փոխարեն պատասխանեք: Անկեղծ ասեմ՝ չի եղել, որ մեկս մյուսի փոխարեն քննություն հանձնի, որքան էլ լավ պատրաստված լինի, անգամ չենք էլ մտածել այդ մասին», -ասում է Դիանան:

Աղջիկները մշուս են, որ նույն ֆակուլտետում սովորելը շատ է օգնում: «Մեկս մյուսի սխալը տեսնելով, սովորելը տեսնելով՝ հետևություններ է անում ու շատ ավելի հեշտ է լինում միասին սո-

վորելը: Իրար նյութեր ենք տրամադրում, մեկս կարող է մի քիչ շատ իմանալ, մեկս՝ ավելի քիչ, իրար լրացնում ենք, համալսարանում սովորածը քննարկում ենք, մեր կարծիքներն ենք հայտնում տարբեր հարցերի վերաբերյալ: Միանշանակ կարող են ասել, որ նույն ֆակուլտետում ու նույն կուրսում սովորելը չի վնասում, ավելի շատ օգնում է», - ասում է Աննան:

Չնայած զբաղված առօրյային՝ քույրերը ազատ ժամանակ գտնում են սիրելի գործերով զբաղվելու համար:

«Սիրում են հայ և արտասահմանյան հեղինակների ստեղծագործություններ կարդալ, ֆիլմեր դիտել, այցելել թատրոններ, ներկայացումներ դիտել: Իրավիճակով պայմանավորված՝ հիմա տխրում են, որ չեն կարողանում իմ սիրելի ներկայացումները դիտել, բայց կարծում են շուտով էլի կունենան այդ հնարավորությունը», -ասում է Աննան:

Երբ խոսում էինք հեռավար կրթության դրական ու բացասական կողմերի մասին, աղջիկները մեջցին, որ ստեղծված պայմաններում այս տարբերակով կրթությունը լավ հնարավորություն է ուսումը կիսատ չթողնելու, ինչ-որ չափով համալսարանական կյանքը շարունակելու համար: Բայց երկուսն էլ փաստում են, որ ցանկանում են նորից համալսարան գնալ, քանի որ կենդանի շփմանը ոչինչ չի կարող փոխարինել:

«Որպես ապագա ուսուցիչներ՝ սա էլ էր մեզ համար լավ փորձ: Պրակտիկայի ընթացքում հեռավար դաս ենք վարել: Կարծում են, որ հետագայում այս փորձառությունը շատ կօգնի մեզ», -ասում է Աննան:

Աղջիկները փաստում են, որ Բանասիրական ֆակուլտետում մի ուրիշ, չկրկնվող ջերմություն կա, սեր կա ամեն անկյունում, կա նվիրվածության ու պատասխանատվության մեծ զգացում թե՛ ուսանողների, թե՛ դասախոսների մեջ, իսկ ահա ֆակուլտետում արտասարանային տարբեր ակունքներն օգնում են, որ ուսանողը դասերից հետո ազատ ժամանակը շատ ավելի լավ անցկացնի ու նոր գիտելիքներ ստանա:

Լիանա ԵՐԱՋԱՐՅԱՆ



ԵՍ ԾՆԿԵԼ ԵՄ ՄԱՆԿԱԿԱՐԺՆԵՐԻ ԸՆՏԱՆԻՋՈՒՄ

Ես ծնվել եմ և ապրում եմ մանկավարժի ընտանիքում: Իմ մեջ գրքերի և ուսուցչության հանդեպ սերը սերմանվել է դեռ վաղ մանկությունից, քանի որ տատիկս և մայրս ուսուցչուհիներ են: Իմ մանկական հիշողություններում վառ ուրվագծված է մեր տան մեծ գրադարանը՝ հաստափոր գրքերով, որոնք մանուկ ժամանակ ինձ ծանր, անհասկանալի և առեղծվածային էին թվում, իսկ դրանք շոշափելը՝ մեծագույն հաճույք: Արդեն հասուն տարիքում հնարավորություն ունեցա ընթերցել և մեծ բավականություն ստանալ գրքերում քաքնված այն առեղծվածներից, որոնք մի ժամանակ անհասանելի էին թվում:



Բանասերի մասնագիտության ընտրության հարցում իր կնիքն է դրել նաև այն բնութիւնը, որի գրկում ծնվել, ապրել ու մեծացել եմ ես: Գետը, որ հոսում է մեր տան կողքով, Քասափի Շաղվերդ վտակը՝ ձկներով լի, որ հոսում է մեր այգու կողքով, ձկների խայտը, արագիլների ամենօրյա չուռ...

Ընդունվելով Խաչատուր Աբովյանի անվան հայկական պետական մանկավարժական համալսարանի Բանասիրական ֆակուլտետը՝ ես էլ ավելի հանգստացի ընտրության ճշմարտացիության հարցում. մեր գիտակ դասախոսները ոչ միայն գրքեր և հոդվածներ են հրատարակում, այլև աջակցում են, որ մենք էլ հրատարակենք, օգնում են, որ մենք ամեն օր, ամեն ժամ ձգտենք կրթության լուսին, որը դարերի խորքից մեզ է ավանդել Մետրոպ Մաշտոցն ու հայ գրականության երևելիները:

Էմմա ՄԻՄՈՆՅԱՆ, Բանասիրական ֆակուլտետ

Հայաստանում սերնդայնջնվող Խաչատուր Աբովյանի անվան հայկական պետական մանկավարժական համալսարանը՝ վստահ կարող էմ ասել, որ կրթությունն ինձ համար բարձրագույն արժեք է, և այդ գիտակցումն ինձ պարտավորեցնում է անմնացորդ նվիրվել իմ ընտրած մասնագիտությանը և դաստիարակել, կրթել ապագայի լիարժեք քաղաքացի, քայլել ժամանակին համահունչ:

Վստահ եմ, որ ընտրել եմ իմ հոգու և սրտի մասնագիտությունը: Մանուկների աշխարհը նման է հեքիաթի, այդ հեքիաթը պետք է ողողել վառ գույներով:

Երանի վրձնով կարողանայի փոխել աշխարհը



Ինչ, բացահայտում և վերագտնում ենք մեզ: Այս ժամանակահատվածում ստեղծել ենք բազմաթիվ աշխատանքներ՝ մեզ համար հայտնաբերելով նոր գույներ, նոր կյանք, նոր շունչ:

Նկարչությունը տեսողական արվեստ է: Նկարելու համար կարևորագույն պայման է ներքին խաղաղությունն ու հանգստությունը, որից կճեմվեն գունեղ, կենսաբեր նկարներ: Նկարելիս մոռանում ես ամեն ինչ: Երբ ձեռքիդ հայտնվում է վրձինը, երբ այն հպում է քղթին, տեղափոխվում ես կախարդական մի աշխարհ, որտեղ ամեն ինչ հեքիաթային է՝ լի գույներով, հույզերով ու զգացմունքներով: Վրձինը նման է կախարդական փայտիկի, որի մի

հարվածով կարող ես կենդանացնել երազանքները:

Այս առարկան դարձավ այն լավագույն միջոցը, որը հնարավորություն ընձեռեց՝ հաղթահարելու ստեղծված արտակարգ իրավիճակը, մոռանալու ազատ շփվելու, բնության գեղեցկությունը գնահատելու և վայելելու հնարավորությունից զրկված լինելը: Նկարչությունը մի կենդանի ուժ է, որի միջոցով կարող ես արտահայտել ամենաազնիվ, ամենաբարի, ամենամաքուր, ամենախաղաղ զգացմունքները:

Կյանքը լի է վառ գույներով, և նկարներն էլ հա-

ՈՒՍՈՒՑԻ՞՞ ԼԻՆԵՆ ԱՌԱՔԵԼՈՒԹՅՈՒՆ Է, ՆՎԻՐՈՒՄ

Հինգերորդ դասարանի աշակերտ էի և մինչ օրս հիշում եմ, թե ինչպես «Մայրենի» առարկայի ուսուցչուհիս հանդարտ ու սահուն քայլերով մտավ դասարան... Միասին անցանք երկար ճանապարհ, իսկ վերջում ես ընտրեցի ուսուցչի մասնագիտությունը: Ինչպես հասկանալի է, պատրաստվում եմ պատմել ուսուցչի մասնագիտության մասին: Իրականում մեր հասարակության մտածելակերպի մեջ ուսուցիչն ունի վերաբերմունք կարիք: Բոլորը չէ, որ կարող են ուսուցիչ լինել, քանի որ ուսուցիչ լինելն առաքելություն է, այն նվիրում է: Հաճախ է քննարկվում այն հարցը, թե ուսուցիչ լինելն սկսվում է առարկայական գիտելիքներից, թե՞ մեթոդական իմացությունից: Ես մտածում եմ, որ ուսուցիչ լինելն սկսվում է այն հոգեվիճակից, երբ դու պատրաստ ես արժեք փոխանցել: Իսկ դրան հասնելը հեշտ գործ չէ. չես կարող այսօր որոշել ու վաղը դառնալ. անգամ ծիծաղելի է հնչում: Անհրաժեշտ է ճանապարհ անցնել. հաղթահարել ներքին անհանգստությունները, հիասթափությունները, սովորել գնահատել ձեռք բերածն ու շարունակ քայլելով՝ փորձել հասնել այն իդեալին, որը կերտել ես մտքում ու պահել ներսում: Ուսուցիչ լինելը սահման չունի, վերջ չունի. նա շարունակ քայլում է...



Ես էլ եմ գիտակցաբար քայլում իմ կերտած ուսուցչին հասնելու ճանապարհով ու թեև ունեմ դեռ չհաղթահարած պատմեցներ, միևնույնն է, շարունակելու եմ քայլել. ուսուցիչ լինելն առաքելություն է ու նվիրում:

ՆԵԼԼԻ ՄԱՐՏԻՐՈՍՅԱՆ Բանասիրական ֆակուլտետ, 3-րդ կուրս

Սկզբնական կրթության ֆակուլտետում կարողացան այս մասնագիտությունը մեր մեջ այնպես սերմանել, որ կարճ ժամանակում այն ամուր արմատներ գցեց:

Մեզ դասավանդվում են բազմաթիվ առարկաներ, որոնցից յուրաքանչյուրն իր ուրույն տեղն ունի մեր մասնագիտական գիտելիքների ձեռքբերման և ամրապնդման գործում: Սակայն այսօր ցանկանում եմ խոսել այն առարկայի նշանակության մասին, որը երեխայի համար խաղից հետո ամենասիրելի գործունեության տեսակն է, իսկ ուսանողների համար՝ կարևոր առարկա, որը կոչվում է կերպարվեստ:

«Կերպարվեստի տեսություն և մեթոդիկա» առարկան նորովի բացեց իր դռները մեր առջև, որովհետև մեր դասախոսն իր գեղագիտական նուրբ ճաշակով, ինքնատիպությամբ, բարուբայով, միևնույն ժամանակ պահանջկոտությամբ կարողացավ մեր մեջ սեր արթնացնել դեպի նկարչությունը, գեղեցկը:

Ստեղծված արտակարգ պայմաններում առարկան հնարավորություն տվեց չկտրվել բնության մեջ գեղեցիկն ընկալելու կարողությունից, շարունակելից հաղորդակցվել, փոխանակվել մտքերով, նոր գաղափարներով: Ստեղծվեցին նոր հնարավորություններ թե՛ շփվելու, թե՛ ստեղծագործելու համար: Ստեղծագործելը մի գործընթաց է, որն արտացոլում է մեր ներաշխարհը, այն աշխարհը, որ միայն մերն է: Երբ նկարները դիտում ես սրտով, կարողանում ես ներթափանցել, հասկանալ նկարչի հույզերը, զգացմունքները, ուրախությունը, վիշտը, թախիծը:

Ինքնամեկուսացման պայմաններում էլ «Կերպարվեստի տեսություն և մեթոդիկա» առարկայի շնորհիվ մենք կարողանում ենք ճիշտ օգտագործել ժամանակը. շարունակում ենք նկարել և հայտնվում ենք գույների կախարդական աշխար-



ճախ ծնվում են պահի թելադրանքով: Տխուր պահերին մենք պետք է գիտակցենք, որ ամեն վայրկյանը թանկ է, հիշենք, որ մենք հուսալի «ընկերներ» ունենք՝ վրձինն ու գունանյութերը, որոնք միշտ մեր կողքին են, իսկ բոլոր դժվարություններն անցողիկ են:

Երանի վրձնով կարողանայի փոխել աշխարհը...

Տուլիետա ՄԱՆՈՒԿՅԱՆ Սկզբնական կրթության ֆակուլտետի Նախադպրոցական մանկավարժություն և մեթոդիկայի բաժնի 2-րդ կուրս

ԵՍ ՀԱՏՈՒԿ ՄԱՆԿԱԿԱՐԺ ԵՄ

Ես հատուկ մանկավարժ եմ: Ուսումնառության առաջին իսկ օրերից զգացել եմ համալսարանական կթօջախի՝ դասախոսների ու ավագ ուսանողների ջերմությունը, ինչպես նաև առանձնահատուկ վերաբերմունքը յուրաքանչյուրիս հանդեպ: Ու ես հաստատակամորեն որոշեցի լինել օրինակելի ուսանող, որ ես էլ կարողանամ նույնն անել ապագա սերունդների համար, որ կարողանամ նրանց փոխանցել իմ մասնագիտության ջերմությունն ու այն ամենը, ինչ ստացել եմ հարազատ բուհիս հարազատ ֆակուլտետում: Տարիների հետ հաջողություններս բազմապատկվել են, ֆակուլտետը կարծես ինձ իր հոսանքով վեր էր բարձրացնում, ավելի տեսանելի դարձնում իմ ներուժը, քայլ առ քայլ

բարձրանում էի՝ մասնագիտական ձեռքբերումներ, միջոցառումներ, հանդիպումներ, միջազգային ծրագրեր, որոնց արդյունքում մեկնեցի Բելառուս, ծանոթացա տեղի մանկավարժական համալսարանի և ուսանողների հետ, ընտրվեցի ֆակուլտետի ուսանողական խորհրդի նախագահ: Եվ այսպես շարունակաբար իմ առօրյան օրեցօր, տարեցտարի լցվում էր ուսանողական միջոցառումների բազմազանությամբ ու գունազեղությամբ, ինչի արդյունքում հիմա վստահորեն կարող եմ ասել, որ ես հասել եմ իմ առջև դրված նպատակին, այո՛, ես կայացել եմ շնորհիվ իմ մասնագիտության, շնորհիվ իմ ստացած գիտելիքների և պրակտիկ գործունեության: Որպես ուսանողական խորհրդի

նախագահ՝ արդեն 4 տարի է, ինչ ջերմությամբ ու սիրով սպասում եմ մեր ապագա ուսանողների նորամուտին, դիմավորում եմ նրանց, անուն հնարավորինը, որպեսզի նրանք էլ զգան այն, ինչ ես եմ զգացել տարիներ առաջ, երբ ոտք եմ դրել Մանկավարժականի շեմից ներս:

Բակալավրի կրթական ծրագիրն ավարտել եմ Հատուկ և ներառական կրթության ֆակուլտետի օլիգոֆրենումանկավարժություն բաժնում և այնքան սիրեցի մասնագիտությունն, որ երկրորդ կուրսից որոշումս ամրոպելի էր՝ ես պետք է շարունակեմ այս ուղությամբ: Ահա իրագործեցի այդ նպատակս և՛ ընդունվեցի մագիստրատուրա՝ հատուկ մանկավարժություն մասնագիտությամբ: Հիմա կարողանում եմ ստացած գիտելիքները, պրակտիկաների ակտիվ գործունեության ժամանակ ձեռք բերածս կիրառելի նպաստ մեր հրաշք բալիկների:

տետը, իմ սրտի ֆակուլտետը, որն ինձ դարձրեց իրագել և մտահոգ քաղաքացի, լավ մարդ և լավ մասնագետ:

ԱՆՆԱ ՄԵԼՈՆՅԱՆ Հատուկ և ներառական կրթության ֆակուլտետ Պատուկ մանկավարժություն և մագիստրատուրայի 1-ին կուրս



Թանգարանների միջազգային օրը մայիսի 18-ին նշվող ամենամյա տոն է: Այն հռչակվել է Թանգարանների միջազգային խորհրդի (ICOM - The International Council of Museums) որոշմամբ 1977 թվականի մայիսի 18-ին ԻԿՕՄ-ի 11-րդ գլխավոր կոնֆերանսի ընթացքում ռուսական պատվիրակության առաջարկությամբ: 1978 թվականից յուրաքանչյուր տարի այս օրը նշում է աշխարհի ավելի քան 150 երկիր, այդ թվում և Հայաստանը:

1992 թվականից սկսած յուրաքանչյուր Թանգարանային միջազգային օրն ունի թեմա, և ԻԿՕՄ-ը հրապարակում է տվյալ թեմայի հետ կապված միջոցառումները: Տոնի շրջանակում անց է կացվում նաև «Թանգարանների գիշեր»: Այդ օրը Հայաստանի թանգարաններն այցելուների համար բաց են լինում երեկոյան 18:00-ից մինչև կեսգիշեր: Թանգարանները հանդես են գալիս նաև մի շարք միջոցառումներով:

«Հին և նոր». լուսանկարչական էլեկտրոնային ցուցադրություն Մանկավարժականում



1. Մանկավարժական ինստիտուտի դասախոսական կազմը ինստիտուտի շենքի դիմաց, հանդիպում պարուհի Օլգա Լեպեշինսկայայի հետ: Լուսանկարում՝ Յուրի Երզնկյան, Սուրեն Հասմիկյան, Կառլեն Միրզախանյան, Օլգա Լեպեշինսկայա:
2. Դիպլոմների հանձնման արարողություն: Գարեգին Բ կաթողիկոս և ՀՊՄՅ ռեկտոր Ռուբեն Միրզախանյան:

ՀՊՄՅ գիտական թանգարանը միակն է ՀՀ բուհական թանգարանների մեջ, որը ստեղծվելուց ի վեր ամեն տարի մասնակցում է «Թանգարանների միջազգային օրվան» նվիրված «Թանգարանային գիշեր» միջոցառմանը:

Չնայած արտակարգ դրության պայմաններում ստեղծված որոշակի դժվարություններին, ինչպես ամեն տարի, այս տարի ևս անմասն չմնալով «Թանգարանների միջազգային օրվան» նվիրված միջոցառումներից,

որն այս տարի կրում է «Թանգարանները հանուն հավասարության. բազմազանություն և ներառականություն» խորագիրը, ՀՊՄՅ Կուլտուրայի ֆակուլտետի Օպերատորության, գեղարվեստական լուսանկարչության և սոցիալ-մշակութային գործունեության ամբիոնի հետ համատեղ կազմակերպվել է «Հին և նոր» խորագիրը կրող լուսանկարչական աշխատանքների ցուցադրություն: Ներկայացված հին ու նոր լուսանկարներն այսօր պահվում են թանգարանի ֆոնդում, նոր լուսանկարների հեղինակների մի մասը գեղարվեստական լուսանկարչության բաժնի ուսանողներ են, դասախոս՝ Արմեն Նաչատրյան:

Ցուցադրությունը ներկայացնում է Մանկավարժական համալսարանի պատմության վերաբերյալ հին արխիվային լուսանկարներ՝ մեր ժամանակների պատմության լուսանկարների համադրությամբ:

ՀՊՄՅ գիտական թանգարան



Ավարտական դասարանների աշակերտները մշտապես սրտի թրթռոցով են սպասում դպրոցական «Վերջին զանգ» արարողությանը: Մանկավարժական համալսարանի N 57 հիմնական դպրոցի և Ավագ դպրոց-վարժարանի ամեն տարվա շրջանավարտներն այնքան խնամքով, յուրահատուկ սցենարներով ու ձևաչափով են մշտապես ներկայացնել «Վերջին զանգի» արարողությանը՝ անմոռանալի ու տպավորիչ ելույթներով հիացնելով ուսուցիչներին, ծնողներին ու հյուրերին:

Ավա՛ր, 2019-2020 ուստարվա ավարտը համաշխարհային համավարակի պայմաններում իր ձևաչափը թելադրեց. հեռավար դասերի ու առցանց շփումների ավարտը եզրափակվեց «Վերջին զանգ»-երի առցանց արարողությամբ՝ շրջանավարտների ուսուցիչներին ուղղված երախտագիտության խոսքերն ու հուզումնալի ապրումները ներկայացնելով համացանցային հարթակում:

Այս տարի համալսարանական N 57 հիմնական դպրոցի 9-րդ դասարանն ավարտեց 25 աշակերտ, որից չորսը՝ Անժելիկա Աբգարյանը, Գուր Կարապետյանը, Միեր Դարիբյանը և Էլենուրա Սարգսյանը՝ գերազանցության վկայականներով:

Դպրոցի տնօրեն Նաիրա Տողանյանը և դասղեկ Մելինե Միրաբեյանը նույնքան հուզված են, որքան շրջանավարտները. անսովոր պայմաններում անցնող ավարտական միջոցառման ընթացքում նրանք իրենց սաներին մաղթում են հաջողություն և կյանքի փորձությունները հաղթահարելու կամք ու կորով:

Դպրոցի տնօրենը վստահեցնում է՝ թեև ավարտական միջոցառումն անցկացվեց առցանց, ինչպես վերջին ամիսների հեռավար դասերը, այնուամենայնիվ, նույնիսկ այդպես, նկատելի էր շրջանավարտների սրտի թրթռոցը, հուզումնալի ու հրաժեշտի ջերմությունը:

«Այս տարի չափազանց դժվարին պայմաններում կայացավ հարազատ դպրոցին և ուսուցիչներին մնաք բարով ասելու վերջին պահն ու հնարավորությունը: Բայց մենք վստահ ենք, որ մեր սիրելի շրջանավարտներն ավելի ամրացած ու հավասարակշռված պիտի հաղթահարեն կյանքի բոլոր մարտահրավերները և առավել հաստատուն քայլերով շարունակեն իրենց ուղին: Որտեղ էլ շարունակեն՝ իրենց հետ տանելու են հարազատ կրթօջախի ջերմությունն ու ամբարած գիտելիքները, որոնք ուժ կտան դրսևորվելու ցանկացած միջավայրում: Մաղթում են բոլորին բարի երթ և հաջողություններ», - ասաց տնօրեն Նաիրա Տողանյանը:



Վարժարանի սաներից շատերը ուսումը կշարունակեն Մանկավարժականում

Հանրապետության հանրակրթական դպրոցների, այդ թվում նաև ՀՊՄՅ-ի Հեռակետային վարժարանի շրջանավարտները դպրոցն ավարտում են բացառիկ իրավիճակում:

Վարժարանի 5՝ բնագիտամաթեմատիկական (ֆիզմաթ), մշակութային (նկարչություն), հումանիտար հոսքի անգլերեն, լրագրություն, հոգեբանություն ենթահոսքերում սովորում էին 122 աշակերտներ: Նրանք հուզված, բայց նաև հպարտությամբ հեռավար կերպով հրաժեշտ տվեցին իրենց ուսուցիչներին՝ խոստանալով միշտ բարձր պահել հարազատ դարձած դպրոցի պատիվը:

Վարժարանի սաների մի ստվար մասը հստակ որոշել է բարձրագույն կրթությունը շարունակել հարազատ դարձած համալսարանում՝ Գեղարվեստական կրթության, Կուլտուրայի, Բանասիրական, Օտար լեզուների, Կրթության հոգեբանության և սոցիոլոգիայի, Հատուկ կրթության ֆակուլտետներում: Ընտրությունը հստակ է, քանի որ վստահում են ուսման որակին, պրոֆեսորանկարավարժական կազմին: Հավաստում են՝ չէ՞ որ հենց այդ համալսարանն է իրենց տվել այսպիսի բանիմաց և հոգատար ուսուցիչներ: Նրանք վստահ են՝ դպրոցական կենսագրության ավարտին իրենք պատրաստ են նոր կյանք մտնել որպես հպարտ ու արժանապատիվ քաղաքացիներ:

Շրջանավարտները միակարծիք են՝ հիմա իրենք ավելի հասուն են, գիտակից՝ ուսուցիչների խորհուրդները հասկանալու, ընկալելու և դրանցով առաջնորդվելու համար:

Վարժարանն իր սաներով հպարտանալու առիթներ շատ է ունեցել: Այս տարի էլ վստահ է՝ նման առիթները շարունակական են լինելու:

Վստահում ենք մեր սաներին, հավատում ենք՝ նրանց շնորհիվ Մանկավարժական համալսարանը իր շարքերն է համալրելու արժանապատիվ քաղաքացիներով ու ընտրյալ մասնագետներով:




32-րդ «Վերջին զանգը»

Ո՞ր-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցն այս տարի նոր՝ հեռավար ձևաչափով անցկացրեց համադպրոցական տոնական միջոցառումը՝ 32-րդ «Վերջին զանգը»՝ նվիրված 2019-2020 ուսումնական տարվա ավարտին (սովորաբար այս տոնական միջոցառումն անց է կացվում Ռուսաստանում Հայաստանի դիվանագիտական ներկայացուցչության հանդիսությունների գեղեցիկ դահլիճում):

Դպրոցի սաներն առցանց, բայց մեծ ոգևորությամբ ներկայացրին իրենց հետաքրքիր գրական ու երաժշտական ստեղծագործությունները և պարային համարները: Այդ ամենը հաջողությամբ իրականացվեց ուսուցչական կազմի՝ հայոց լեզվի ուսուցիչներ Շ. Փաիկանյանի և Ա. Հովհանյանի, հայագիտության ուսուցչուհի Զ. Վարդանյանի, երաժշտության ուսուցչուհի Ա. Սամվելյանի, ժողովրդական պարերի ուսուցչուհի Ն. Ռաֆայելյանի, տեղեկատվական տեխնոլոգիաների մասնագետ Ի. Շվեցովայի ջանքերով:

Ծնողներին և աշակերտներին իր շնորհավորական ու շնորհակալական հեռավար խոսքը հղեց դպրոցի տնօրեն մանկ. գիտ. թեկնածու Շողիկ Փաիկանյանը՝ մաղթելով նրանց քաջ առողջություն, երկար տարիների կյանք, ուրախություն և բարեկեցություն, երջանիկ իրադարձություններ:





Մայիսի 22-ը Շառլ Ազնավուրի ծննդյան օրն է

Ես երիտասարդների միշտ ասում եմ՝ մի եղբե շատ հպարտ, ընդամենը գործ արեք:

ՇԱՐԼ ԱԶՆԱՎՈՒՐ

ԱԶՆԱՎՈՒՐՅԱՆ ՇՆՉՈՎ

«Դուք կնվաճեք աշխարհը, որովհետև կարողանում եք հուզել»: Շառլ դը Գոլ

Բանասեր: Բանը, այն է՝ խոսքը, սիրող մեր ֆակուլտետները, հավատարիմ բառի ստուգաբանական նշանակությանը, պահեց օրվա խորհուրդը՝ խոսքով խնկարկելով մեծն շանտոնիի հիշատակը:

Շառլ Ազնավուրն իր մահկանացուն կնքել է 2018 թվականին, որից հետո յուրաքանչյուր մայիսի 22 ՀՀ ԳԱԱ Քրեա-կոդի փոփոխության ֆակուլտետում նշանավորվում է որպես հարգանքի տուրքի մատուցման օր: Բայց այս անգամ պայմաններն այլ էին. չկար համալսարանը, չկային ծանոթ հայացքները, չկար մեր լուսավոր ճեմարանը: Սակայն Googlemeet հարթակն իրեն այս անգամ էլ արդարացրեց. էկրանից այն կողմ մեր դասախոսներն էին, մեր ուսանողներն ու ընկերները, հենց այդ հայացքներն էին, որ հիշեցրին մեր բաղձալի առօրյան: Եվ ահա Բանասիրական ֆակուլտետն իր պրոֆեսորադասախոսական և ուսանողական կազմով կազմ-պատրաստ սպասում էր՝ ունկնդիր լինելու սիրելի և հարգարժան դասախոսի ազնավուրյան «երգին»:

Հայ հին և միջնադարյան գրականության և նրա դասավանդման մեթոդիկայի ամբիոնի վարիչ, ՀՀ ԳԱԱ Քրեա-կոդի անդամ, Բ.Գ.Պ., պրոֆեսոր Աելիտա Դոլուխանյանը «Գրական գրույց. Շառլ Ազնավուր» վիրտուալ ցերեկույթի շրջանակներում ներկայացրեց Ազնավուրի հավերժական լեգենդին: Մենք՝ ուսանողներս, հաճույքով լսեցինք հետաքրքրաշարժ կենսագրական փաստերն ու հուշերը, սիրելի դասախոսի առաջնորդությամբ բացահայտեցինք Ազնավուրի բանաստեղծին՝ ունկնդիր լինելով պրոֆեսորի կողմից իսկ հրատարակված և ցերեկույթին ընթերցվող բանաստեղծություններին: Կարևորեցինք և մեր հուշերում պահեցինք 12-ամյա Ազնավուրի մասին Միսաք Մանուշյանի կողմից արված այն դիտարկումը, թե Շառլը դառնալու է Ֆրանսիայի հանձարն ու Հայաստանի պատիվը: Կարծում են անվիճելի է վերը նշված կանխասացության ճշմարտացիությունը: Ի դեպ, գրական գրույցն իր մեկնարկը և ավարտը տվեց հայորդուն նվիրված երգով:

«Մենք ծնվել ենք, որպեսզի մեռնենք, սակայն մինչ այդ պետք է ապրել»,- ասել է մեծն շանտոնիեն: Գիտե՞ք՝ մեր սիրելի տիկին Դոլուխանյանն ապրեցնող դասախոս է:

ԱՆՆԱ ԴԱՎԹՅԱՆ

Բանասիրական ֆակուլտետ, առկա ուսուցման բակալավր, 4-րդ կուրս

Համալսարան-դպրոց

Մեր շրջանավարտները

Բարի ու գեղեցիկ ավանդույթներով

Երևանի N 181 դպրոցը հիմնադրվել է 1982 թվականին: Ի սկզբանե դպրոցն ունեցել է բանիմաց և համախթան անձնակազմ: Կրթության այս օրրանը տարիների ընթացքում որդեգրել է բարի և գեղեցիկ ավանդույթներ, ունեցել բազում հաջողություններ, անվանի և հասարակությանը պիտանի շատ ու շատ սաներ:

2014 թվականին դպրոցում նոր ժամանակներին համապատասխան կրթության, նոր մոտեցումների ու ավանդույթների մեկնարկը տրվեց: Նորարարական շունչը դպրոց բերեց նորանշանակ տնօրեն Լիլիթ Արեյանը, ով ավարտել է Խաչատուր Աբովյանի անվան հայկական պետական մանկավարժական համալսարանի Պատմության և իրավագիտության ֆակուլտետը: Ուսումնառության ընթացքում հայ ժողովրդի պատմության քառուղիներով անցած և ազգային արժեքները գնահատող տնօրենն անմիջապես ձեռնամուխ եղավ կրթության որակի բարելավման աշխատանքներին՝ դպրոցաշինությանը, ազգային արժեքների պահպանմանը, որոնց վկայություն են բազմաթիվ ինքնատիպ և յուրօրինակ միջոցառումները, տոնական և հիշատակման օրերին նվիրված ֆլեշ-մոբերը:

Տնօրենի նախաձեռնությամբ և ուղղորդմամբ կատարվեցին բազմաթիվ համագործակցային աշխատանքներ՝ հրավիրվեցին բազմամասնագիտական խմբեր, որոնք կազմակերպեցին սեմինար-պարապմունքներ թե՛ աշակերտների, թե՛ ուսուցիչների և թե՛ ծնողների համար: 2018-2019 ուսումնական տարում իրագործվեցին դպրոցաշինական գեղեցիկ մտահղացումները, և արդյունքում



շունչ առան քիմիայի նորագույն տեխնոլոգիաներով հագեցած լաբորատորիան, ՆՁՊ-ի դասասենյակը, տեխնոլոգիայի դասասենյակները: Նմանատիպ աշխատանքները շարունակական են լինելու:

№ 181 դպրոցում մշտապես տիրող ջերմ ու հոգատար աշխատանքային մթնոլորտն ու համախմբվածությունը պարբերաբար կյանքի է կոչում նոր ու գեղեցիկ, մեկը մյուսից տարբերվող միջոցառումներ:

Ուսուցիչների անսահման նվիրումը և ստեղծագործ միտքը չընկճվեց անգամ մերօրյա արտակարգ դրության պայմաններում: Հետաքրքիր տեսադասեր, ֆլեշ-մոբեր կազմակերպվեցին մաս հեռավար ուսուցման հարթակում. պետք է առանձնացնել երաժշտության ուսուցչուհի Մարիետա Ադամյանի նախաձեռնած ֆլեշ-մոբը, որով առաջին դասարանցիները բարության, սիրո և համբերատարության կոչ ուղղեցին համայն աշխարհին:

Վաստակաշատ ուսուցչուհին, կարևորելով երաժշտության դերը երեխաների արժեհամակարգի, ճաշակի և աշխարհայացքի զարգացման գործում, մեկը մյուսից հետաքրքիր դասեր ու միջոցառումներ անցկացրեց: Վկան՝ տարբեր շրջանի ամփոփիչ հեռավար միջոցառումը, որը փաստեց՝ երեխաները չեն ընկճվել և իրենց կոչն են ուղղում համայն մարդկությանը՝ ժախտով դիմագրավել փորձություններին: Փոքրիկները մեծ սիրով և ոգևորությամբ մասնակցեցին միջոցառմանը, որն արժանացավ բոլորի հավանությանը:



Ուսուցիչը մեր շրջանավարտն է

Սահմանամերձ Տավուշում

Ողջ աշխարհը և մենք բոլորս դժվարին ժամանակներ ենք ապրում: Այս իրավիճակից ամենաշատը տուժեցին մեր երեխաները, ովքեր հայտնվեցին մեկուսացման մեջ և գրկվեցին հասակակիցների հետ չփվելու հնարավորությունից: Հաշվի առնելով նրանց առօրյան ներխուժած սթրեսային երևույթները հաղթահարելու փաստը՝ հարկ եղավ երեխաներին բացատրել, թե ինչ է արտակարգ դրությունը, ինչու են նրանք տանը և ինչու չեն գնում մանկապարտեզ, և որ հիմա և մեծերը, և փոքրերը մնում են տանը, որ առողջ լինեն:

Այս իրավիճակը թե՛ ամբողջ աշխարհի, թե՛ Հայաստանի կրթական համակարգի համար դարձավ իսկական մարտահրավեր:

Ես Մանկավարժական համալսարանի շրջանավարտ եմ,



աշխատում եմ իջևան քաղաքում գտնվող «Մանուկների մոլորակ» զարգացման կենտրոնում որպես ավագ խմբի դաստիարակ: Այն նախադպրոցական հաստատություն է, որը որդեգրել է մի սկզբունք՝ բացահայտել երեխայի կարողությունները և զարգացնել դրանք: Այս նպատակով մեր զարգացման կենտրոնը համագործակցում է տարբեր մշակութային կենտրոնների հետ, այդ թվում՝ Երևանի պետական թատրոնների հետ: Սահմանամերձ Տավուշի երեխաները և՛ ֆինանսական, և՛ հեռավորության պատճառով միշտ չէ, որ կարողանում են այցելել թատրոն: Կենտրոնի տնօրինությունը երեխաների համար պարբերաբար կազմակերպում է ներկայացումների դիտում տարբեր թատրոններում, ինքն էլ հոգում է ծախսերը:

Խրախուսելու համար երեխաների հետաքրքրությունն ու սերը թատրոնի նկատմամբ՝ «Մանուկների մոլորակ» զարգացման կենտրոնը սկսեց համագործակցել «Մեր Մկրտչյան» արտիստական թատրոնի կոլեկտիվի հետ: Պարբերաբար անցկացվող թատերական դասերը թատրոնի արտիստների կողմից նպատակ ունեին բացահայտել տաղանդավոր երեխաներին, ինչպես նաև նրանց մեջ սեր արթնացնել դեպի թատրոնը:

Այդ պատասխանատու գործը ստանձնեց թատրոնի դերասանուհի Անուշիկ Մելիքբեկյանը, ով շատ կարճ ժամանակահատվածում օգնեց մեր սաներին՝ հանդես գալու իրենց ներկայացումներով: Որոշվեց զարգացման կենտրոնին կից բացել թատերական ստուդիա:

Համավարակի ընթացքում երեխաների համար այնքան կարևոր և պարտադիր կրթության ընթացքում բացթողումներ չունենալու համար մեր զարգացման կենտրոնը նույնպես սկսեց պարապմունքներն իրականացնել հեռավար ռեժիմով: Հեռավար ուսուցումը ճիշտ կազմակերպելու գործում ինձ օգնության հասավ հարավարտ բուհում Մանկավարժական համալսարանում իմ պաշտպանած մագիստրոսական աշխատանքի թեման՝ «Էլեկտրոնային

ուսումնական ռեսուրսների կիրառման անհրաժեշտությունը տարրական դպրոցում»:

Մեկ տարի առաջ, աշխատանքը գրելիս, քաջ գիտակցում էի թեմայի արդիականությունը, բայց չէի պատկերացնում կիրառման պահանջն ու անհրաժեշտությունը: Իսկ հիմա իմ ստացած գիտելիքների շնորհիվ կարողանում եմ ճիշտ կազմակերպել հեռավար ուսուցումը սաների հետ: Մինչ այս իրավիճակը, մենք բոլորս էլ գիտեինք, որ համակարգիչը մեր երեխաների առօրյայում մեծ դեր ունի խաղային նպատակով: Ե՛վ հիմա յուրաքանչյուր մանկավարժի առաջ դրված է մեկ կարևոր հարց, որ երեխան կարողանա և ցանկանա համակարգիչն օգտագործել ուսումնական ռեսուրսների կիրառման նպատակով:

Դասընթացները կազմակերպելու ժամանակ ջանում էի, որ սաներս ձգտեն համակերպվել հեռավար ուսուցմանը, միևնույն ժամանակ չվնասեն իրենց առողջությունը: Չէ՞ որ համակարգի առջև երկար նստելը վտանգավոր է առողջության համար. այդ տարիքում ձևավորվում է երեխայի հենաշարժողական համակարգը և շատ կարևոր է համակարգի առջև ճիշտ նստելը, մարմնի դիրքը, աչքերի և համակարգչային էկրանի հեռավորությունը (50 սմ):

Բայց այս դժվարությունները չխանգարեցին մեզ կազմակերպել հետաքրքիր և բովանդակալից դասեր: Որպես նախադպրոցական խմբի դաստիարակ ես մեծ պատասխանատվություն եմ կրում՝ ապահովելու նրանց սահուն անցումը դեպի տարրական դպրոց: Եվ ես դրա համար ջանք ու եռանդ չեմ խնայի, որպեսզի իմ սաները ինքնավստահ մտնեն դպրոց:

Կենտրոնը վերաբացվել է, և աշխատում ենք՝ պահպանելով բոլոր սանիտարահիգիենիկ պայմանները:

Այս իրավիճակը ցույց տվեց, որ տեղեկատվական տեխնոլոգիաներից օգտվելու հմտությունների զարգացման լուրջ խնդիր կա: Պետք է զբաղվել դրանով՝ ստեղծված նման իրավիճակներից պատվով դուրս գալու համար:

Քրիստինե ԴԱՉԱՐՅԱՆ
ՀՊՄՀ շրջանավարտ

Ու ավարտվեց մանկությունս...

...Աչքիս առջև է մորս հպարտ, ծիգ կեց-վածքը, որը մինչև խոր ծերությունն չփոխվեց. նա չկռագավ ուրիշ ծեր կանանց նման, մազե-րը չթափվեցին, դեմքի վարդագույն ճերմակը զարմացնում էր բոլորին:

Մայրս ուներ մուգ կապույտ մետաքսե մի զգեստ՝ կաթնագույն ծաղիկներով: Այդ զգեստը նրան շատ էր վայելում: Երբ քայլում էր այդ հա-զուստով, հարևանները հիացած նրա ետևից նայում էին, ու մայրս այդ զգուս էր:

...Ասում են մայրս դեղձան մազեր է ունե-ցել: Մորս խաժ աչքերը, ճերմակ մաշկը և ազնվական կեցվածքը պահպանվել էին, բայց մորս ես միայն հիշում եմ ճերմակ, փարթամ, առողջ մազերով:

Երբ ես ծնվեցի, մայրս 39 տարեկան էր, բնականաբար, ես նրան հիշում եմ 3-4 տարե-կանից. 42-43 տարեկանում մայրս արդեն ճեր-մակել էր, ու մազերը չէր ներկում:

Հիշում եմ, թե ինչպես մի օր, երբ մանկա-պարտեզի բոլոր երեխաների մամաները եկել էին՝ իրենց զավակներին տուն տանելու. նրանք բոլորը երիտասարդ էին, թովռուն: Հանկարծ փոքրիկներից մեկը վազեց դեպի ինձ և ծայր տվեց:

-Ձուլիետա, տատիկը եկավ:

Ես սառեցի. տատիկ չունեի: Վազեցի դեպի խմբասենյակի դուռը ու տեսա... Ծերմակահեր մայրիկ էր: Աչքերիս առջև սևացավ, ու ես ճչացի.

- Զեն՝ զալիս, զնա՛:

Ամբողջ ճանապարհին ես ու մայրս լուռ քայլում էինք: Ինձ թվաց՝ մայրս լուռ արտաս-վում է: Հետո նա շատ քնքուշ ինձ հարցրեց.

- Բալան, ի՞նչ է պատահել, ինչո՞ւ այդպես ճչացիր: Ես լռեցի ու ամուր փարվեցի մայրի-կիս ծնկներին, հետագայում որքան հիշում էի, այնքան մեղքի զգացումը խորանում էր, սիրտս ծնվում, ու տարիների ընթացքում այդ հիշու-

ղությունը դառնանում է:

Մայրս այդ մասին այլևս հարց չսովեց, բայց ինձ վերցնելու համար միշտ մանկապարտեզ էր ուղարկում եղբորս՝ Էդուարդին կամ քրոջս՝ Լենային:

Շատ տարիներ հետո մայրս մի օր անսպասելի հարցրեց.

- Դու հիշո՞ւմ ես, որ մի օր, երբ եկել էի քեզ մանկապարտեզից տուն տանելու, ինձ տեսնե-լուն պես ճչացիր: Ի՞նչ էր պատահել: Գիտե՞ս՝ ինձ համար ինչ բավականություն էր, հոգեկան արժեք, որ ես գալիս էի քեզ վերցնելու: Ախր դա իմ վարդագույն երազանքներից մեկն էր:

Ես, անշուշտ, անմիջապես հիշեցի այդ օ-րը, նեղվեցի. ախր իմ ընկերներին մանկա-պարտեզից վերցնելու եկող բոլոր մամաները երիտասարդ էին, թովռուն, իսկ իմ մայրիկը՝ ճերմակահեր:

- Ման ջան, չեմ հիշում, ստեցի ես, ի՞նչ իմանամ, փոքր եմ եղել, մի հիմար բան եմ ա-րել էի:

Մայրս ինձ գրկեց ու տխուր տոնով ասաց.

- Դու ուզում էիր, որ ես ջահել լինեի, այն-պես չէ՞: Ես երբեք ջահել չեմ եղել, ես էլ չեմ հիշում իմ մանկությունն ու ջահելությունը: Ես դեռ տիկնիկով խաղում էի, երբ մանկատունն ինձ անուսնացրեց, ու ավարտվեց մանկու-թյունս...

Ես փարվեցի մորս ու հոնգուր-հոնգուր հե-կեկացի:

Ամեն անգամ, երբ իմ ճտպտան ու աշխույժ աղջկան՝ Լուսինիս մանկապարտեզից տուն էի տանում (ի դեպ, դրանք իմ կյանքի երջանիկ օրերից են), սրտի կսկիծով էի հիշում մայրի-կիս ասված խոսքերը, ու խիղճս տանջում էր...

Ձուլիետա ԳՅՈՒԼԱՄԻՐՅԱՆ
Հատված «Էրզրից քվածները» գրքից

Ծերուկ Խորտարախ

Մայրս ուսուցչուի է, հայրս՝ զինվո-րական: Ու հենց սա է հիմքն ու շարժա-ռիթմը, որ Ծերուկի խոստարախի հայտնի խանութի կողքին գտնվող մանկապար-տեզ ես այցելում էի ամեն օր: Փշատի համն ունի իմ մանկապարտեզը, այսօր էլ հիշում եմ մեր դայակ-դաստիարակ-ների տեսքը, որ սպասում էին միջև ինձ և տուն տանելին, հաճախ՝ հազած-կապած, մանկապարտեզի գունավոր դարպասի մոտ կանգնած: Կարգապահության հասնելու և հասցնելու ձգտումը հիմա ինձ մի քիչ չափազանց է թվում: Ծաշի մատուցումը արարողություն էր, գրեթե ծիսակարգ: Յուրաքանչյուր սեղանի շուրջ կանգնած էին չորս զգաստ փոքրիկներ, որոնք մայրս էին սեղանի կենտրոնում տեղա-վորած հացի ընդհանուր ափսեին, որի մեջ հա-ցը կանոնիկ, հավասարաչափ էր դասավոր-ված: Ձեռքերը՝ պարտադիր լվացած, հերթը բա-րի՝ ախորժակ-շնորհակալություն՝ չէ՛ շնո՞ր-հա՛-կա՛-լո՞ւ-թյո՞ւն՝ միավասար, միասի՛ն ասե-լուն էր: Թվում էր միայն արդթքն է պակասում: Թեև արդեն մեծ էի ու հե՛նց մեծերի խումբ էի հաճախում, իմ գերուշադիր մոր խնդրանքով պարտադիր ցերեկային քնի ժամերին միանում էի փոքրերի խմբին, որովհետև մեծերը չէին քնում ցերեկը, մենք տառե՛րն էինք սովորում: Սովորաբար քնի վրա խնամքով սուսնած տա-ռերը թվում է՝ երբեք չեմ մոռանալու: Ստառի կողքին արևի նկարը՝ պատկերավոր՝ Ստառի կողքին՝ սկյուռը: Մանկապարտեզում, ու հետո պարզվեց նաև դպրոցում, խմբակային նկար-վելու ավանդույթ կար: Կարծում եմ՝ սա ավելի շատ մայրերի ու տան հյուրերի համար էր պարտադիր, քան երեխաների: Լուսանկար-վում էինք երեք շաբթուկ՝ առաջին շաբթը նստում էր, երկրորդը՝ ամենատարբար ավելի բարձրահասակները, կանգնում էին, իսկ երկ-րորդ շաբթի մեջտեղում հանդիսավոր կանգ-նում էին մանկապարտեզի տնօրենը և դաս-տիարակները: Երրորդ շաբթը՝ ամենաբարձրա-հասակները, կանգնում էին նստարանի վրա, որ էլ ավելի ընդգծեին իրենց հասակը:



(իր) և ուսուցչուհու կողքին էի կանգնում կամ կողքին: Այստեղ էլ դուք կարող եք հանդիպել իմ գանգուր-գանգուր վարսերին, որոնք ա-նարդյունք փորձել էին հավաքել սպիտակ, մեծ մազակալներով: Իմ վարսերին հաղթել կլինի՞:

Դաստիարակ-ուսուցիչ-դասախոս կեր-պարների կարևորությունն ինձ համար երևի հենց մանկապարտեզից սկսվեց: Սա է պատ-ճառը, որ ավարտել-զնալուց հետո ընտրած, գտած մանկավարժների խոսքով ու հայացքով եմ կառուցում օրերս: Ո՞նց չկարևորել քեզ սով-որեցնողին, սնուցողին: Հետո ապշում էի դպրոցը չկարևորող աշակերտ, համալսարա-նը երկրորդական դարձրած ուսանող տեսնե-լիս:

Մի դասարանի ավագին հարցրի, թե պա-տասխանատու է, չէ՞՝ ավագ լինելը, ասա.

- Դպրոցի դուռը փակում եմ ու վերջ, օրս դրանով չեմ լցնում:

Դուռը շրիկացնելը կարծում եմ հեշտ է շատ: Դուռը ներսից կողպել, գրուցել, պարզել, հակադիր կարծիքները քննարկել, ընդհանուր հայտարարի գալ կամ չգալ ու լսել, շատ լսել, լսել ժպտալով ու խոժոժվելով պատմածից, չսպասել խոսելու անձնական հերթին, իսկա-պես լռած լսել, սիրել, սիրել, սիրել՝ այն գոր-ծը, որ անում ես ամեն օր, որը ստիպում է հագ-նել ցավեցնող կոշիկն ու սիրով՝ հասնել աշ-խատավայր. այ սա ուժեղների գործն է (դաս-ղեկա է սովորեցրել):

Մանկապարտեզում մենք հստակ սովորում էինք շարք կանգնել, հերթով բարձրանալ սա-հարանի աստիճաններին, հերթով՝ Միայն քա-ղաքակիրթ հերթ կանգնելու, հերթ պահելու հա-մար արժեք մանկապարտեզ գնալ: Երևի հրմշտողները Ծերուկի խոստարախի խանութի կողքին գտնվող գունավոր դարպասով մանկա-պարտեզի մասին չգիտեմ, հա՞՞:

Տաթև ԹԱՄՐԱԶՅԱՆ
Բանասիրական ֆակուլտետ,
1-ին կուրս

ՕՐԱՅՈՒՅՅԻՍ ԹԵՐԹՎԱԾ, ԲԱՅՅ ԶՊՈՎՎԱԾ ՄԻ ԷԶ...

Կյանքի յուրաքանչյուր շրջան իր նշանակալի դերն է ունենում անհատի կայացման, բարոյական սկզբունքների հաստատման և ներուժի բացահայտ-ման գործում:



Մանկությունն անձի ծնավորման, հոգեբանական զարգացման, ինքնահղկման անվերջ ուղու սկզբնա-կետն է: Այս փուլում դրվում են աշխարհայացքի հիմ-քերը, կառուցվում է արժեքահամակարգ տանող սա-նրուղիի առաջին աստիճանը, որով նա բարձրանա-լու է դեպի կատարելագործում:

Մանուկ հասակում ծեռք են բերվում շատ կենսա-կան կարողություններ, ուրվագծվում ապագայի երազանքները: Այդ տեսակում սովորում են ինքնաճանաչման, շրջապատող իրականության ընկալման և վերլուծական հմտու-թյուններ: Նրանց մատչելի է դառնում մայրենի լեզվի գանձարանը, ազգային արժեքնե-րի ոգին: Իրերի էությունը երևում է մանկական անմեղ դիտակետից. նրանք դեռ չեն հասկանում բառերի երկիմաստությունը, չեն զանազանում կեղծավորության դիմակ-ները, նրանց խորթ է անտարբերության սառնարյուն օտարականը:

Մանկության արևը զարում է սփռում՝ աներկբա հավատի, անսպառ խնդության, չճա-նաչված պատրանքների շողերով:

Մանկապարտեզում նրանք ստանում են համրային կյանքի առաջին տպավորու-թյունները, ծանոթանում կարգապահության տարրական սկզբունքներին՝ միաժամանակ ապրելով լուսե հեքիաթում:

Դպրոցական տարիները գիտելիքների ամբարման և ինքնազարգացման մի շրջան են: Այս տարիքում ընդլայնվում են մտահորիզոնի սահմանները, ավելի պարզորոշ են երևում կյանքի ուղիները: Այդ կարևոր գործում մեծ է մանկավարժի դերը: Ուսուցիչն այն անձն է, ով բացահայտում է աշակերտների ձգտումները, սերմանում է նրանց մեջ սեփական ուժերի հավատարու քաջություն, օգնում վերծանել խրթին հարցերի առեղծ-վածները: Նա ստանձնում է մաշտոցյան ավանդները սերունդներին փոխանցելու գոր-ծը, հայրենաստենչ ոգով կրթում ապագա զինվորներին:

Ժամանակն անմահանց հաղթող է: Նա իշխում է այն ամենին, ինչն ազգակից չէ հա-վերժությանը: Թեպետ ժամանակն անխնա գահակալ է, նրա խղճտանքի լամպը լույսի փշրանքներ է նվիրում մարդկանց՝ հուշերի տեսքով: Մանկության հուշերը, որպես ան-թառան ծաղիկներ, զարդարում են մեր կարոտի այգիները. այնտեղ կարկաչում են ծի-ծաղի առուները, ծաղկում են հույսի ծառերը, երգում՝ բերկրության թռչունները... Եր-կինքը ճախրելու պատգամ է ծոնում ներքև կանգնածին:

Տարիներ են անցել այն երանելի օրերից, երբ վազվզում էի անհոգ խաղերի ու բնու-թյան հրաշքերի գունեղ աշխարհում:

Մանկությունս նավարկել է ժամանակի գետով. անդարձության ակն է մեզ բաժանողը: Զնորուխտ օրերի երազը դարձել է օրացույցիս թերթված, բայց չպոկված մի էջ:

Ամայա ՍՈՒԲԱՆՅԱՆ
Բանասիրական ֆակուլտետ, հեռակա 4-րդ կուրս

Տեճակիկը

Այդ շենքի մոր բնակիչն ամեն երեկո իր հեծանիվը կանգնեցնում էր մուտքի մոտ՝ չանհանգս-տանալով, որ կարող են այն գողանալ:

Հարևանի երեխան, ամեն առավոտ, երբ դեռ բոլորը քնած էին, վերցնում էր հեծանիվն ու մի քանի պտույտ անում թաղերով: Հետո մորից բերում էր հեծանիվն ու կանգնեցնում մույն տեղում, խնամքով շոյում անիվներն ու վազում փողոց՝ կարկաղակներ վաճառելու:


Երբ դեռ բոլորը քնած էին, հեծանիվի տերը պատուհանից թաքնու հետևում էր տղային, որն այնքան շատ էր ուզում հեծանիվ ունենալ և չգնալ աշխատանքի, բայց նա ամեն օր գնում էր աշխատանքի ուտրով:

Հարևանն ամեն օր հեծանիվը կանգնեցնում էր շենքի մուտքի մոտ՝ չանհանգստանալով, որ կողանան...

ՕՖԵԼԻ ԴԱԼԼԱՔՅԱՆ

«ԼԵԶՎԱՔԱՆԱԿԱՆ ՏԵՐԻՄԱՔԱՆՈՒԹՅԱՆ ՀԱՐՅԵՐ»

Լույս է տեսել «Լեզվաքա-նական տերմինաբանության հարցեր» խորագրով ժողովա-ծուն (Պրակ Ա), որն անփոփոխ է 2019 թ. հոկտեմբերին խաչա-տուր Արմավան անվան ՀՀԿԿ-ում կայացած համարապետական գիտաժողովի նյութերը:



դասավանդման մեթոդի-կայում (Ջ. Գյուլամիրյան), լեզվաբանական տերմին-ների աստիճանակարգու-թյուն (Լ. խաչատրյան, Մ. Միրումյան), գոյականա-կան դարձվածային միա-վորների ներկայակցա-կան հարաբերությունների տիպեր (Գ. Խալաթյան), հայերեն լեզվաբանական տերմինների համակարգ (Մ. Միրումյան), տերմինա-յին բազմիմաստություն (Վ. Պետրոսյան), տեքստա-բանական տերմիններ (Ա. Ավագյան), հուշագրու-թյան լեզվական տերմինա-յին համակարգ (Ա. Գալստյան), օտարալեզու եզրույթների թարգմա-նության սկզբունքներ (Հովհ. Զաքարյան, Հ. Սուքիասյան), Արցախի տեղանվանագիտու-թյան տերմիններ (Լ. Մարգարյան), ծևային գո-յաբանությունը որպես հասկացությունների դա-սակարգման գործիք բնական լեզվի մշակման համակարգերում (Մ. Ջավուրյան, Ա. Դանիել-յան), պարսկերենի բառակա համակարգի հո-մանշային տերմիններ (Հ. Թորոսյան), տերմի-նային բազմիմաստություն Դարաբաղի բարբա-ռի կազմախոսական դարձվածքներում (Ա. Ար-զումանյան):

Ժողովածուի լույսընծայու-մը նախապատրաստել է խմբագրական խորհուրդը հետևյալ կազմով՝ Ռուբեն Միր-զախանյան՝ պ.գ.դ. (խորհրդի նախագահ), Լա-լիկ խաչատրյան՝ բ.գ.դ. (գլխավոր խմբագիր), Հռիփսիմե Թորոսյան (պատասխանատու քար-տուղար), Սրբուհի Գևորգյան՝ հ.գ.դ., Կամո Վարդանյան՝ հ.գ.դ., Դավիթ Գյուրջիյան՝ բ.գ.թ., Կարինե Աբրահամյան՝ բ.գ.դ., Աննա Աբաջյան՝ բ.գ.դ., Ձուլիետա Գյուլամիրյան՝ մ.գ.դ., Լուսին-նե Մարգարյան՝ բ.գ.թ.:

Ժողովածուում գետնված հոդվածները վե-րաբերում են լեզվաբանական տերմինաբա-նության տարաբնույթ հարցերի՝ հոլովակա-ն համակարգի տերմինաբանություն (Ա. Աբաջ-յան), տերմինաբանության արդի խնդիրներ (Վ. Աբրահամյան), «Լեզվաքաղաքականու-թյուն» եզրույթի բնութագիր (Դ. Գյուրջիյան), երկլեզվության ուսմունքի և միջմշակութային հաղորդակցության տերմինաբանություն (Ի. Մարգարյան), մոր բառ-եզրույթներ մայրենիի

հոկտեմբ. 2020

հոկտեմբ. 2020

ԸՈՒՆԻՍԻ 1-Ը ԵՐԵՒՆԱՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ ՕՐՆ Է

Մանկությունը մարդու կյանքի էն ամենաընդունակ շրջանն է, երբ նա չորս կողմից ընդունում է, սնունդ է առնում ու զարգանում շարունակ... Ամեն բան, ինչ որ շրջապատում է նրան, ինչ որ գոյություն ունի աշխարհքում, սնունդ է նրա համար : Երբ որ զարշելով տեսնում են շուրջս Մոլեգնած կյանքի պատկերը ցավոտ, Հաճախ, մանկություն, խռոված հոգուս Երկայանում ես ինչպես առավոտ:

Հովհաննես ԹՈՒՄԱՆՅԱՆ

Եթե ինձ հարցնեին՝ ո՞րն է մանկական գրողի կոչման առանձնահատկությունը, կասեի՝ զարմանալու հատկությունը: Մարդը պետք է բոլոր տարիքներում չկորցնի զարմանալու, սիրելու արժանիքը, այլապես նա կդառնա անտարբեր ու չի կարող մանկան մամն մաքուր, զարմացած, գեղեցիկ աչքերով նայել կյանքին, մարդկանց:

Սուրեն ՄՈՒՐԱԴՅԱՆ

Երկար ժամանակ, մինչև այսօր էլ, ես չեմ ազատագրվել իմ մանկության տպավորություններից: Եվ ոչ էլ ցանկանում եմ ազատագրվել. կամավոր ու քաղցր գերության պես մի վիճակ է: Տարիներ առաջ, երբ առիթ էր լինում այս մասին խոսելու, մանկության տպավորություններիս կուտակումը համարձակորեն նմանեցնում էի ջրհորին, ուրից որքան էլ ջուր դուրս քաշեիր՝ չէր ցամաքի:

Ռուբեն ՀՈՎՍԵԹՅԱՆ



ԸՆՏԱՆԻՔ . ՄԱՆԿՈՒԹՅԱՆ ԵՐՋԱՆԻԿ ԲԱՆԱԶԵԿԸ

1950 թվականից սկսած աշխարհում նշում են երեխաների իրավունքների պաշտպանության միջազգային օրը, իսկ 2012 թվականից՝ Ծնողների համաշխարհային օրը: ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցն ամեն տարի հունիսի 1-ին ավանդաբար կազմակերպում է բաց դասեր և թեմատիկ միջոցառումներ՝ նվիրված վերոհիշյալ տոներին: Հայտնի պատճառով այս տարի այն անցկացվեց առցանց ձևաչափով:

Դպրոցի անձնակազմը և ղեկավարությունը դպրոցականների համար նորովի արժևորեցին ծնողների և ընտանիքի առանցքային դերը աճող սերնդի դաստիարակության և պաշտպանության գործում՝ ընդգծելով ընտանեկան խնամակալության և ծնողական ջերմության արժեքը երեխայի անձի ներդրման և համակողմանի զարգացման գործում: Այս օրերի հետ կապված, դպրոցական պարապմունքների անցկացման ընթացքում, հատկապես կարևորվում է ծնողական սերը, հոգատարությունը ու ուշադրությունը, ինչպես նաև մտերիմ մարդկանց աջակցությունը: Երեխաների իրավունքների պաշտպանության միջազգային օրվա և Ծնողների համաշխարհային օրվա առթիվ կազմակերպված թեմատիկ դասերին հնչեցին բարենաղթաբաններ. երեխաները ընտանիքներին մաղթեցին երջանիկ ժպիտներ, ուրախ իրադարձություններ և ջերմություն, որ սերնդեսերունդ փոխանցվեն բարեխղճության, բանականության և արդարության արժեքները, իշխեն կարեկցանքը, փոխըմբռնումն ու վստահությունը:

Ստեղծված իրավիճակի թելադրանքով այս տարի ժամանակակից տարբեր տեխնոլոգիաների օգնությամբ առցանց ձևաչափով «Վերածնունդ» դպրոցի յուրաքանչյուր սան յուրօրինակ ձևով ներկայացրեց իր անկրկնելի ու հրաշալի ընտանիքում իր անհոգ և երջանիկ մանկության բանաձևը:

Մոսկվա-երևան

Չմեծացող այդ փոքրիկը՝ մանկությունը


Օրերի մեջ ու օրերի հետ մենք մեծանում ենք, բայց հոգու մի կտորով ու գուցե ամբողջ սրտով մնում ենք երեխա... Մանկությունն է՝ չմեծացող, բայց և մեծանալուց չվախեցող այդ փոքրիկը, որի մասին միշտ հիշում ենք՝ հետ բերելու ցանկությամբ: Այդ ամենասրտոտ պարզությունն ասես ապրում է բոլորիս հոգիներում՝ հիշեցնելու համար, որ կյանքի մեր դժվարունակ ուղին մենք նախ հեքիաթով ենք սկսել: Երբեք չավարտվող այդ հեքիաթը երեկ մեր կյանքն էր, իսկ այսօր մեր կյանքը կարգավորող շարժիչը: Ամեն օր մեր ձեռքը բռնող այդ փոքրիկը մեզ սովորեցնում է՝ ինչպես սիրել մարդուն այնպես, որ չլինեն մարդուն կործանող իրողություններ, ինչպես կարգավորել մեր ներաշխարհը, որ շրջապատող աշխարհը տեսնենք բարության ու խաղաղության տիրույթներում, ինչպես հորինել տարբեր ինչպեսներ՝ ապրելու համար սրտի ամբողջ թրթռումը:

Բայց շատ հաճախ մեր ներսի այդ փոքրիկը խեղճանում է, կծկվում, լաց լինում, սպառվում, իսկ դա լինում է այն ժամանակ, երբ մերօրյա իրականության բռնը շատ ճնշող է լինում ու զարմանալի համառությամբ հենց այդտեղ է, որ անմիջապես ծնվում է կարծես փրկող միտքը՝ «երանի՜ փոքրիկ լինելի» կամ «երանի՜ փոքրիկներին», ու դարձյալ զարմանալի արագությամբ հազարաթև այդ թռչունը՝ մանկությունը, տակնուվրա է անում մեր մտքերը՝ տակից վեր հանելու համար այն ուժերը, որոնք կստիպեն հաղթահարել դժվարությունը... Ու հասկանում ենք, որ դեռ շատ բան ունենք սովորելու, որ մեր մեջ ու մեզանից դուրս «կռիվները» շատ են լինելու, իսկ մանկությունը մեկն է ու միակը, այնպես, ինչպես սերերը շատ են ու տարբեր, բայց փրտը՝ մեկը... Ինձ մոտ գտնվող այդ հեռուն որքա՜ն գեղեցիկ է ու որքա՜ն իմը... ա՛խ, այդ մանկությունը, որը պատրաստ է ամեն անգամ ծնվել մորս՝ ինձ նայող աչքերում, հորս ժպտացող ծայրում...

Մանկության հեքիաթը շա՛տ մեծ է միայն պատմելու համար, այն պիտի ապրեցնել, ապրեցնել նոր ձևի մեջ, բայց ապրեցնել... Որանում եղած բարությունը կփրկի մեր ներսի ու մեզ շրջապատող աշխարհը...

Մանկությունը մի հրաշալի հատկանիշ ունի՝ կառուցվող լինելու հատկանիշը, այո՛, մեր ապրած մանկությունը մենք ամեն պահի կարող ենք վերակառուցել ամեն փոքրիկի հետ, ամեն փոքրիկի միջոցով: Եվ, վերջապես, եթե երեխային մոտենալու

պատասխանատվություն ենք ստանձնում, մենք պատրաստ պիտի լինենք նրանից սովորելու... Մենք իրարից սովորելով պիտի ավելի սիրենք իրար, ու իրար սիրելով պիտի սովորեցնենք իրար ավելին, քան սիրելն է, ու «փոխադարձը» ամենակարևոր բառերից է սիրելու ու սովորելու ճանապարհին՝ սկիզբ ու վերջ չունեցող համբերատարությամբ: Միայն այդպիսի համբերատարությամբ կարելի է խոսել ծաղիկների հետ այնպիսի վստահությամբ, որ նրանք էլ քեզ հետ խոսեն՝ պարզապես ծաղկելու լեզվով... Մանկությունը՝ ծաղկերենով աշխարհի հետ խոսող այդ անկրկնելի, ու եթե աշխարհն անգամ չհասկանա ու աշխարհին խորթ լինի այդ լեզուն, մեկ է ինքը չի ընկճվելու, իր բնույթն է ծաղկելը՝ թեկուզև առանց գիտակցելու, որ հանդուրժում է շրջապատող հանելուկային աշխարհի ինչ-ինչ վերապահումներ, ու այնուամենայնիվ, այդ աշխարհը հիմնալու է նրա բույրով, բնականությամբ ու գեղեցկությամբ. այսպիսին է մանկությունը՝ միշտ կա, կա որպես անբացատրելի զգացողություն՝ չնայած աշխարհը չճանաչելուն՝ նրան տրվելու ինքնատիպ ցանկությամբ, երեխայական մաքրությամբ:



Հին ու նոր բարեկամս՝ մանկությունս, որը մնացել է տարիների հեռվում, բայց մոտենում է ամեն անգամ, երբ որևէ երեխայի հետ եմ խոսում, որովհետև ես նրա հետ խոսում եմ իմ մեջ ամփոփված երեխայի ծայրով, նրան տեսնում եմ իմ մեջ եղած երեխայի աչքերով ու նրա հետ իրերին նայում եմ մի տեսողությամբ՝ սրտի:

Հասմիկ ՀՈՎՍԵԹՅԱՆ Բանասիրական ֆակուլտետ

Ց Ա Ն Կ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ ԱՌԿԱ ՈՒՍՈՒՑՄԱՄԲ ԲԱԿԱԼԱՎՐԻ ՈՒ ԱՆԸՆԴՀԱՏ ԵՎ ԻՆՏԵԳՐԱՅՎԱԾ ԿՐԹԱԿԱՆ ԾՐԱԳՐԵՐՈՎ 2020/2021 ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐԻ, ՏԵՂԵՐԻ ԵՎ ՈՒՍՄԱՆ ՎԱՐՉԱՉԱՓԵՐԻ

Table with 10 columns: Ծածկագիր, Բուհ, կրթական ծրագիրը, Ընդունելության մրցութային քննությունները, աստղանիշով (*) մրցութային առարկաները, Ընդունելության տեղ/այդ թվում ամվճար, այդ թվում բզ, մպտ., վճարովի US, ուսման վարձը հազ. դ

- (բ) Բանավոր
(գ) Գրավոր
(թ) Թելադրություն
(տ) Բուհի կողմից սահմանված թեստ
Չարց Ա Չարցագրույց
ԱԿ Աշխարհագրություն
ԱՆ Արվեստի կառավարում
ԱՏ Արվեստի տեսություն
ԲՊ Բալետի պատմություն
ԲԽ Բենական խոսք
ԲՅ Բանավոր հարցազրույց
ԳԼ Գերմաներեն լեզու
ԳԾ Գծանկար
ԳԹ Գծագրություն
ԳԼԳ Գեղարվեստական լուսանկարչության հիմունքներ
Դպար Դասական պար
ԴՎ Դերասանի վարպետություն
ԵՏՍ Երաժշտության տեսություն
ԵՏՏ Երաժշտական տարրական տեսություն
ԸԱՊ Ընդհանուր արվեստի պատմություն
ԸՊ Ընդհանուր պատմություն
ԸՖՊ Ընդհանուր ֆիզիկական պատրաստականություն
Իտ Իտալերեն լեզու
Իս Իսպաներեն լեզու
ԼԿԳ Լուսանկարչության հիմունքներ
ԾԿ Ծրագրի կատարում
ԿՏ Կերպարվեստի տեսություն
Կոմպ Կոմպոզիցիա
Կ Կենսաբանություն
ԿՈԼ Կոլորավիում
ԿՊՏ Կերպարվեստի պատմություն
Կ տեսություն
ԿԴ Կերպարվեստի պատմություն
ՉԼԳ Չայոց լեզու և գրականություն
ՉՊ Չայոց պատմություն
Մ Մաթեմատիկա
ՄՊ Մշակույթի պատմություն
ՄԳ Մասնագիտական հարցազրույց
Մասն Մասնագիտություն
ՄԳԴ Մասնագիտական գործիք և դիրիժորություն
ՆԵՍԿ Նվագարաններով նվագարաններով երաժշտական ստեղծագործության կատարում
ՆԿ Նկարչություն
ՈԼԳ Ռուսաց լեզու և գրականություն
ՈԼ Ռուսաց լեզու
ՈԵԺ Ռեժիսուրա
ՍԵՏ Սովետիկ և երաժշտության տեսություն
ՍՍԳԿ Սոցիալ-մշակութային գործունեության կազմակերպում
ՍՇ Ստեղծագործական շարադրություն
ՍԱ Ստեղծագործական աշխատանք
Սմ Ստեղծագործական մրցույթ
Ք Քիմիա
Օտլ Օտար լեզու (ռուսերեն, անգլերեն, գերմաներեն, ֆրանսերեն, իսպաներեն, իտալերեն, պարսկերեն)
ՕՊԳ Օպերատորության հիմունքներ
Ֆ Ֆիզիկա
ՖՐԼ Ֆրանսերեն լեզու

աստղանիշով (*) մրցութային առարկաներ- մասնագիտությունների և ընդունելության քննությունների ցանկի այդուսակների երրորդ սյունակում նշված տվյալ մասնագիտության համար պահանջվող ընդունելության մրցութային քննության հավասար միավորների դեպքում առավելությունը կտրվի աստղանիշով (*) մեկ առարկայի դեպքում ավարտական փաստաթղթում առավել բարձր գնահատական ունեցող դիմորդներին, իսկ աստղանիշով (*) մեկից ավելի առարկաների դեպքում՝ այդ առարկաների գնահատականների առավել բարձր միջին թվաբանական միավորներ ունեցող դիմորդներին.

** - Մասնագիտություններ (կրթական ծրագրեր), որոնց համար սահմանված են ներբուհական քննություններ

*** - ոչ պետական բուհի չհավատարմագրված մասնագիտություն

Table with 10 columns: Ծածկագիր, Բուհ, կրթական ծրագիրը, Ընդունելության մրցութային քննությունները, աստղանիշով (*) մրցութային առարկաները, Ընդունելության տեղ/այդ թվում ամվճար, այդ թվում բզ, մպտ., վճարովի US, ուսման վարձը հազ. դ

աստղանիշով (*) մրցութային առարկաներ- մասնագիտությունների և ընդունելության քննությունների ցանկի այդուսակների երրորդ սյունակում նշված տվյալ մասնագիտության համար պահանջվող ընդունելության մրցութային քննության հավասար միավորների դեպքում առավելությունը կտրվի աստղանիշով (*) մեկ առարկայի դեպքում ավարտական փաստաթղթում առավել բարձր գնահատական ունեցող դիմորդներին, իսկ աստղանիշով (*) մեկից ավելի առարկաների դեպքում՝ այդ առարկաների գնահատականների առավել բարձր միջին թվաբանական միավորներ ունեցող դիմորդներին.

** - Մասնագիտություններ (կրթական ծրագրեր), որոնց համար սահմանված են ներբուհական քննություններ

*** - ոչ պետական բուհի չհավատարմագրված մասնագիտություն

Գրանցման վկայական՝ 01U00184 տրված է 26.03.2008 թ.
Գրանցման՝ Տիգրան Մեծի 17, հեռ. 59-70-97:
Էլ. փոստ՝ Newspaperaspu.am, asryansilva@gmail.com
Տպագրված է «Տիգրան Մեծ» հրատարակչության տպագրատանը:
Գրանցման՝ Արշակունյաց 2
Տպաքանակը՝ 1800 օրինակ: Ծավալը՝ 2 տպ. մասով
Թերթի նյութերի արտատպումներն առանց խմբագրության համաձայնության արգելվում է:
Հղումը պարտադիր է: Թերթը տարածվում է ամվճար:
Հանձնված է տպագրության 31.05. 2020 թ.
Թերթը կարող եք կարդալ ՉՊՄ կայքում՝ www.aspu.am
Գլխավոր խմբագիր՝ Սիլվա ԱՄՐՅԱՆ
Բանասիրական գիտությունների բեկնածու
Էջաղուրումը՝ Պետրոս ՎԱՐԴԱՆՅԱՆԻ
Համարի պատասխանատու՝ Սիլվա ԱՄՐՅԱՆ